



Број: 01/4-02-1-1950,33/16

Сарајево, 21. 10. 2016.

ПРЕДСТАВНИЧКОМ ДОМУ  
ПАРЛАМЕНТАРНЕ СКУПШТИНЕ БИХ

|  |                       |            |              |
|--|-----------------------|------------|--------------|
| BOSNA I HERCEGOVINA<br>PARLAMENTARNA SKUPŠTINA BOSNE I HERCEGOVINE<br>SARAJEVO |                       |            |              |
| PRIMLJENO: 21.10.2016  |                       |            |              |
| Organizaciona jedinica   | Klasifikaciona oznaka | Redni broj | Broj prijema |
|  |                       |            |              |

Na osnovu člana 119. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 81/15 i 97/15), Komisija za finansije i budžet Predstavničkog doma Parlamentarne skupštine BiH je na 33. sjednici, održanoj 20.10.2016., razmatrala Prijedlog zakona o izmjeni Zakona o plaćama i naknadama u institucijama Bosne i Hercegovine u drugoj komisijskoj fazi, te Predstavničkom domu Parlamentarne skupštine BiH dostavlja

### IZVJEŠTAJ

#### o Prijedlogu zakona o izmjeni Zakona o plaćama i naknadama u institucijama Bosne i Hercegovine (predlažać: poslanik Damir Arnaut)

Poslanik Damir Arnaut je 18.7.2016. dostavio Predstavničkom domu Parlamentarne skupštine BiH Prijedlog zakona o izmjeni Zakona o plaćama i naknadama u institucijama Bosne i Hercegovine (u daljnjem tekstu: Prijedlog zakona) na razmatranje po osnovnom zakonodavnom postupku.

Kolegij Predstavničkog doma Parlamentarne skupštine BiH je na 35. sjednici, održanoj 18.7.2016., odredio Komisiju za finansije i budžet Predstavničkog doma Parlamentarne skupštine BiH (u daljnjem tekstu: Komisija) kao nadležnu komisiju za razmatranje Prijedloga zakona.

Komisija je na 28. sjednici, održanoj 27.7.2016., razmatrala Prijedlog zakona u prvoj fazi, te je jednoglasno prihvatila principe Prijedloga zakona.

Također, Komisija je jednoglasno usvojila sljedeći zaključak:

„Komisija za finansije i budžet Predstavničkog doma Parlamentarne skupštine BiH traži od Vijeća ministara BiH da do 31.12.2016. izradi i u parlamentarnu proceduru dostavi sistemski i cjelovit Prijedlog zakona o plaćama i naknadama u institucijama Bosne i Hercegovine.“

Predstavnički dom Parlamentarne skupštine BiH je na 35. sjednici, održanoj 30.8.2016., razmatrao i usvojio Prijedlog zakona u prvom čitanju.

Komisija je na 32. sjednici, održanoj 18.10.2016., razmatrala Prijedlog zakona u drugoj fazi i nakon rasprave, sa sedam glasova „za“ i jednim glasom „suzdržan“, usvojila sljedeći zaključak:

„Komisija za finansije i budžet Predstavničkog doma Parlamentarne skupštine BiH odgađa izjašnjavanje o Prijedlogu zakona o izmjeni Zakona o plaćama i naknadama u institucijama Bosne i Hercegovine u drugoj komisijskoj fazi, s ciljem dodatnih konsultacija u vezi s predloženim amandmanom poslanika Predraga Kožula na Prijedlog zakona.“

Također, Komisija je od Kolegija Predstavničkog doma tražila produženje roka za dostavljanje izvještaja o Prijedlogu zakona u drugoj komisijskoj fazi.

Kolegij Predstavničkog doma odobrio je zahtjev Komisije i produžio rok za dostavljanje izvještaja o Prijedlogu zakona do 9.11.2016.

Komisija je, u svojstvu nadležne komisije, na 33. sjednici, održanoj 20.10.2016., razmatrala Prijedlog zakona u drugoj fazi - rasprava o amandmanima, te utvrdila konačan prijedlog izvještaja.

Nakon provedene rasprave o Prijedlogu zakona, Komisija je:

1. konstatirala da je na Prijedlog zakona poslanik Predrag Kožul uložio jedan amandman;
2. većinom glasova nije usvojila uloženi amandman;
3. sa šest glasova „za“ i jednim „suzdržanim“ glasom prihvatila Prijedlog zakona o izmjeni Zakona o plaćama i naknadama u institucijama Bosne i Hercegovine u drugoj komisijskoj fazi, te Predstavničkom domu Parlamentarne skupštine BiH predložila njegovo usvajanje.

Na osnovu člana 122. Poslovnika, Komisija je za izvjestioca na sjednici Doma odredila predsjedavajućeg Komisije Predraga Kožula.



Dostavljeno:

- naslovu
- a/a